



Broj: 03-12-UP-6-2/21  
Sarajevo, 22.12.2022.

Na osnovu člana 8. Zakona o Agenciji za rad i zapošljavanje Bosne i Hercegovine („Službeni glasnik BiH“, br. 21/03 i 43/09), člana 14. stav (1) i (2) Zakona o slobodi pristupa informacijama u Bosni i Hercegovini („Službeni glasnik BiH“ broj 28/00,45/06, 102/09, 62/11 i 100/13), postupajući po Zahtjevu **gospođina Nedžada Sudića, ul. Andreja Andrejevića br. 88, Sarajevo**, direktor Agencije za rad i zapošljavanje Bosne i Hercegovine donosi

### R J E Š E N J E

o odobravanju pristupa informacijama

1. Odobrava se Zahtjev **gospođina Nedžada Sudića, ul. Andreja Andrejevića br. 88, Sarajevo**, broj 03-12-UP-6-1/21 od 22.12.2021. godine, dostavljen putem elektronske pošte, za cjelovit pristup informacijama koje se odnose na informacije o kvotama za radne dozvole za 2021. i 2022. godinu.
2. Informacije iz tačke 1. ovog rješenja dostavljaju se podnosiocu zahtjeva uz ovo rješenje u formi pismenog odgovora.

### O b r a z l o ž e n j e

3. Agencija za rad i zapošljavanje Bosne i Hercegovine zaprimila je zahtjev za pristup informacijama podnosioca **gospođina Nedžada Sudića, ul. Andreja Andrejevića br. 88, Sarajevo**, broj 03-12-UP-6-1/21 od 22.12.2021. godine, dostavljen putem elektronske pošte, za cjelovit pristup informacijama koje se odnose na informacije o kvotama za radne dozvole za 2021. i 2022. godinu.

Postupajući po zahtjevu podnosioca Zahtjeva, Agencija za rad i zapošljavanje Bosne i Hercegovine je u skladu sa članom 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“ broj 28/00,45/06, 102/09, 62/11 i 100/13), odlučila kao u dispozitivu rješenja.

**POUKA O PRAVNOM LIJEKU:** Protiv ovog rješenja može se izaviti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema.

Dostavljeno:

- Imenovanom,
- Službenik za informisanje
- a/a

**D I R E K T O R**

**Mr. Muamer Bandić**

Sarajevo, 22.12.2021. godine

[REDACTED]

Andreja Andrejevića br. 88  
71000 Sarajevo

[REDACTED]

[REDACTED]

Poštovani gospodine Sudić,

vezano za Vaš zahtjev za pristup informacijama dostavljam Vam slijedeću informaciju ispred Agencije za rad i zapošljavanje BiH.

Agencija za rad i zapošljavanje BiH je nadležna institucija koja prikuplja prijedloge kvota radnih dozvola od strane entitetskih zavoda za zapošljavanje, te Zavoda za zapošljavanje Brčko distrikta BiH, te od prikupljenih prijedloga kreira dokument Prijedlog godišnje kvote radnih dozvola u Bosni i Hercegovini za svaku godinu pojedinačno. Tako smo i u 2020. godini kreirali dokument za 2021. godinu, te u ovoj godini dokument za 2022. godinu. Nažalost još uvijek nijedan od navedenih dokumenata nije usvojen od strane Vijeća ministara BiH, te zbog toga nije ni objavljen na našoj web stranici zajedno sa ranijim dokumentima.

To znači da Bosna i Hercegovina još uvijek nema usvojen dokument sa kvotama za radne dozvole na 2021. i 2022. godinu. Bez obzira na to u prilogu ovog dopisa mi Vam dostavljamo oba prijedloga kvota, s tim da morate imati u vidu da sve dok Vijeće ministara BiH ne usvoji navedene dokumente, oni nisu zvanični i nemaju nikakvu pravnu snagu.

Također, upućujem Vas da isto pitanje postavite i Ministarstvu civilnih poslova BiH koje je naše resorno ministarstvo i koje je zvanični predlagač navedenih dokumenata prema Vijeću ministara BiH.

Što se tiče drugog dijela Vašug pitanja, kao što možete vidjeti u dokumentima prijedlog kvota se ne radi prema specificiranim zanimanjima već prema djelatnostima, te prema djelatnostima možete i pretražiti planirane kvote. Nadalje, bez obzira na utvrđenu kvotu, radne dozvole se mogu dodijeliti stranim radnicima i po drugim osnovama što je propisano Zakonom o strancima BiH.

S poštovanjem,

Boris Pupić, stručni saradnik za informisanje Agencije za rad i zapošljavanje BiH

Prilog:

1. Prijedlog godišnje kvote radnih dozvola u Bosni i Hercegovini za 2021. godinu
2. Prijedlog godišnje kvote radnih dozvola u Bosni i Hercegovini za 2022. godinu